



osmi međunarodni susreti bibliotekara slavista u sarajevu
eighth international convention of slavist librarians' in sarajevo

8. ICSL – MEĐUNARODNI SUSRETI BIBLIOTEKARA SLAVISTA

BIBLIOTEKARSTVO. LJUDSKA PRAVA. AKTIVIZAM.

Sarajevo, April, 15.–18., 2012.

1. Organizatori:

Fondacija Kemal Bakaršić, Sarajevo
Central and Eastern European Online Library, Frankfurt a/M
Filozofski fakultet Univerziteta u Sarajevu
IKD "UNIVERSITY PRESS" doo Sarajevo

2. Suorganizatori:

Asocijacija informacijskih stručnjaka, bibliotekara, arhivista i muzeologa – BAM Sarajevo
Mediacentar Sarajevo
Biblioteka Sarajeva
TKD «Šahinpašić» Sarajevo

3. Organizacijski odbor

1. Donia Robert, prof. dr., Michigan University Ann Arbor USA, predsjednik Organizacijskog odbora;
2. Crayne Janet, ravnateljica Odjela za istočno-evropske kolekcije, Biblioteka Univerziteta Michigan, Ann Arbor, USA;
3. Dizdar Srebren, prof. dr., Filozofski fakultet u Sarajevu;
4. Horvat Aleksandra, prof. dr., Filozofski fakultet Sveučilišta u Zagrebu;
5. Lorković Tatjana, Biblioteka Yale Univerziteta;
6. Pajić Predrag, ravnatelj Južnoslovenskih kolekcija, Kongresna biblioteka, Washington DC, USA;
7. Ugričić Sreten, upravnik Narodne biblioteke Srbije, Beograd, Srbija.

4. Izvršni odbor

1. Klotz Bea, Central and Eastern European Online Library, Frankfurt a/M
2. Madacki Saša, Centar za ljudska prava Univerziteta u Sarajevu, generalni sekretar Susreta
3. Marković Dragan, IKD "UNIVERSITY PRESS" Sarajevo, predsjednik Izvršnog odbora Susreta
4. Njuhović Azemina, Ministarstvo za obrazovanje i nauku Kantona Sarajevo
5. Šahinpašić Tajib, TKD "Šahinpašić" Sarajevo

6. Narcis Saračević, Biblioteka Sarajeva
7. Ivana Teronić, Pravni fakultet Univerziteta u Sarajevu, zamjenica generalnog sekretara Susreta
8. Dragan Golubović, Mediacentar Sarajevo
9. Mario Hibert, Filozofski fakultet Univerziteta u Sarajevu

Zagovaranje ljudskih prava kroz bibliotečku praksu i znanost traži snažno profesionalno angažiranje u području globalne informacijske politike kojom su obilježene posljednje dekade prošlog stoljeća kada je tehnološki potvrđen prijelaz s industrijskog na informacijsko društvo. Sagledavanje posljedica društvenog, političkog, zakonodavnog i intelektualnog rearanžiranja komunikacijskih odnosa stoga predstavlja iznimno važno područje interpretacije profesionalnih izazova, odgovornosti bibliotekara da svojim uslugama podržavaju temelje demokratije: slobodu, jednakost, pravednost.

Bibliotekari imaju izbor između instrumentalizacije njihove prakse i principijelnog angažiranja, odnosno reaffirmiranja ideje o ulozi biblioteka u političkom, građanskom životu zajednice. Bez preispitivanja uloge biblioteka i bibliotekara u borbi protiv cenzure, socijalne ekskluzije, produblivanja digitalnog jaza, komodifikacije informacija, odnosno mogućnosti zaštite informacijskih i komunikacijskih prava korisnika bibliotekarstvo ostaje zatvoreno u tradicionalna poimanja o struci kao neutralnoj i objektivnoj. Nasuprot tome, ciljevi koji se pred bibliotekarstvo postavljaju na međunarodnoj razini, odavno uključuju zagovaranje profesionalne odgovornosti u kontekstu promišljanja globalne informacijske pravde kao i kultiviranje novih pristupa i praksi koje bi bile u stanju propitivati uspostavljene odnose moći putem umrežene komunikacijske infrastrukture.

Iz tog razloga ova konferencija nastoji inicirati bolje javno razumijevanje zbog čega kultura bibliotečkog aktivizma predstavlja ključnu pretpostavku za pro-aktivno djelovanje u domenu promoviranja ljudskih prava. Iskustva radikalne suradnje, kritičkog razmišljanja, progresivnog istupanja, odnosno spremnosti bibliotekara da se bore za zaštitu intelektualnih slobode korisnika svjedoče da "dijalog, kolaborativnost, organizacija, empatija, odlučivanje, praksa, filozofija i političko djelovanje jesu način da se ublaže društveni problemi" (Samek, 2008). Participacija u ovakvom bibliotečkom diskursu je nužna za relevantno orijentiranje informacijske profesije. Za postkonfliktno, tranzicijsko društvo poput bosanskohercegovačkog to je od posebnog značaja.

Cilj nam je pokušati kreirati uvjete za razvoj profesionalnih strategija koje bi omogućile bolje razumijevanje važnosti uloge bibliotečkog aktivizma, a konferencija je, između ostalog, povod za utemeljenje okvira i otvaranje prostora za kontinuiranu diskusiju o odnosu bibliotekarstva, tehnologije, zakonodavstva, javnih politika, informacijske ekonomije i etike.

U tom svjetlu je propitivanje prepreka koje stoje na putu realizacije ljudskih prava izuzetno značajno kako bi bibliotekari prepoznali politički kontekst informacijske profesije. Iz tog vas razloga pozivamo da nam pošaljete svoje radove kojim bi se podržalo kreiranje bibliotečke

zajednice spremne da diskutira profesionalne dileme i probleme, ali također i prijedloge politika koje mogu doprinijeti razvoju bibliotekarstva, lokalno i globalno.

Radovi će biti prezentirani u radnim grupama, a rezultati rada timova bit će predočeni posljednjeg dana konferencije.

Međunarodni susreti bibliotekara slavista (ICSL) prihvataju radove, odnosno relevantne istraživačke teme o različitim aspektima zagovaranja ljudskih prava kroz bibliotečku profesiju, ali također i članke o presjecištima društvene moći, ekonomije znanja, nove javne sfere, digitalne demokratije, informacijskog opismenjavanja, komunikativnog djelovanja "mrežnih građana" (*netizens*) u eri participatorne kulture.

► **SESIJE:**

- I. **Informacijski kapitalizam i biblioteke**
- II. **Bibliotekarstvo i ljudska prava: politika profesionalizma**
- III. **Digitalni aktivizam**